

二十二史考異
(上)

中文出版社

予弱冠時，好讀乙部書。通籍以後，尤專斯業。自史漢訖金元，作者廿有二家，反覆校勘，雖寒暑疾疢，未嘗少輟。偶有所得，寫於別紙。丁亥歲，乞假歸里，稍編次之。歲有增益，卷帙滋多。戊戌，設教鍾山，講肄之暇，復加討論，開與前人開合者，削而去之，或得於同學啓示，亦必標其姓名。郭象何法盛之事，蓋深恥之也。夫史之難讀久矣。司馬溫公撰資治通鑑成，惟王勝之借一讀，它人讀未盡十紙，已欠伸思睡矣。況廿二家之書，文字煩多，義例紛糾，輿地則今昔異名，僞置殊所，職官則沿革迭代，冗要逐時，欲其條理貫串，瞭如指掌，良非易事。以予儻劣，敢云有得，但涉獵既久，啓悟遂多，著之鉛槧，賢於博弈云爾。且夫史非一家之書，實千載之書。祛其疑，乃能堅其信，指其瑕，益以見其美。拾遺規過，匪爲齟齬前人，實以開導後學。而世之考古者，拾班范之一言，擲沈蕭之數簡，兼有竹素爛脫，豕虎傳譌，易斗分作升分，更子琳爲惠琳，乃出校書之陋。本非作者之僞，而皆文致小疵，目爲大創。馳騁筆墨，夸曜凡庸，予所不能效也。更有空疏措大，輒以褻貶自任，強作聰明，妄生痕垢，不卅年代，不揆時勢，強人以所難行，責人以所難受，陳義甚高，居心過刻，予尤不敢效也。桑榆景迫，學殖無成，惟有實事求是，護惜古人之苦心，可與海內共白。自知焚燭之光，必多罅漏，所冀有道君子，理而董之。庚子五月廿有二日，嘉定錢大昕序。

廿二史考異總一百卷目錄

史記五卷		一	周書一卷		六〇七
漢書四卷		九九	隋書二卷		六二三
後漢書三卷		二〇七	南史三卷		六五五
續漢書二卷		二九三	北史三卷		七〇七
三國志三卷		三一五	唐書十六卷		七六三
晉書五卷		三六一	舊唐書四卷		九七一
宋書二卷		四四七	五代史六卷		一〇二九
南齊書一卷		四八七	宋史十六卷		一一〇九
梁書一卷		五〇三	遼史一卷		一三三三
陳書一卷		五二五	金史二卷		一三六九
魏書三卷		五四三	元史十五卷		一四〇九
北齊書一卷		五九三			

廿二史考異卷一

史記一

清 嘉定錢大昕撰

卷首題宋中郎外兵曹參軍裴駮集解。案索隱序稱外兵參軍。後序稱外兵郎。互有不同。考隋書經籍志。史記八十卷。宋南中郎外兵參軍裴駮撰。又宋書南史本傳。俱云南中郎參軍。蓋龍駒爲南中郎府之外兵參軍。宋齊之世。四中郎將皆以皇子爲之。得開府置官屬。外兵其一曹也。南中郎者。所仕府之名。外兵者。所署曹之名。參軍則其職也。中郎之上。當有南字。索隱後序稱外兵郎。則誤甚矣。

五帝本紀

幼而徇齊。索隱云。大戴禮作淑齊。一本作慧齊。今大戴禮作慧。蓋慧之省。

其色郁郁。其德嶷嶷。索隱云。大戴禮。郁作神。嶷作俟。今大戴禮亦作郁。郁嶷嶷。與小司馬所見本不同。蓋後人據史記轉改。

東至于蟠木。子謂蟠木者。扶木也。呂覽爲欲篇。西至流沙。東至扶木。又求人篇。禹東至搏木之地。說文。搏桑神木。日所出也。搏與扶通。扶木卽扶桑。古音扶如酺。聲轉爲蟠也。漢書天文志。蒼爲扶。鄭氏云。扶

當爲嬌。

便程東作。程秩聲相近。詩秩秩大猷。說文作義義。程从呈聲。義从戠。戠亦从呈聲。故程義俱與秩通也。說文引書作平譌。

便程南譌。索隱正義本皆作爲字。

試不可用而已。尙書云。試可乃已。古人語急。以不可爲可也。古經簡質。得史公而義益明。

嗟四嶽。尙書嗟爲咨。咨嗟聲相近。

舜飭下二女於嬀汭。索隱云。二女長曰娥皇。次曰女英。系本作女瑩。大戴禮作女媭。瑩媭皆英之轉。

歸至于祖廟。說文無廟字。廟者爾也。考於七廟爲最近。故稱爾。後人因加市旁。尙書作藝祖。馬融云。

藝、廟也。蓋用史公說。藝、廟音亦相近。

徧告以言。古音敷如布。徧布聲相近。奏告亦聲之轉也。奏屬齒音。告屬牙音。均爲出聲。故亦得相轉。

堯二女不敢以貴驕事舜親戚。正義云。親戚謂父執喪。後母。弟象。妹嬀等也。古人稱父母爲親戚。大

戴記曾子疾病篇。親戚既沒。雖欲孝。誰爲孝。孟子盡心篇。人莫大焉。亡親戚。君臣上下。楚世家。楚人皆

憐之。如悲親戚。猶言如喪考妣也。孟嘗君列傳。使使存問獻遺其親戚。亦謂其父母也。正義兼弟妹言

之。非史公之旨。

誰能馴子工。馴與順同。易坤初象傳。馴致其道至堅冰也。其文言曰。履霜。堅冰至。蓋言順也。可證順卽馴字。尙書。噤若子工。若訓順。故史公以馴代若。

教穉子。注。尙書作胃子。孔安國曰。穉胃聲相近。案。穉胃聲相近。乃裴氏說。非孔安國注也。曰下當有脫文。

朕畏忌。說說殄僞。徐廣曰。一云齊說殄行。尙書云。朕聖說說殄行。孔傳訓聖爲疾。疾齊聲相近。故又作齊也。僞。讀如平秩南僞之僞。南僞見漢書王莽傳僞卽爲字。行爲聲相近。

惟時相天事。案。釋詁。亮和皆訓導。故變亮言相。正義訓相爲視。失之。

息慎。注。鄭玄曰。息慎。或謂肅慎。息肅聲相近。

顧弟弗深考。注。徐廣曰。弟但也。弟但聲相近。俗書弟但字作第。弟字作第。皆不合六書之旨。

夏本紀

鯀之父曰帝顓頊。案。隱據漢書律曆志。顓頊五代而生鯀。證鯀非黃帝之子。予考山海經。黃帝生駱明。駱明生白馬。白馬是爲鯀。鯀生禹。山經所云黃帝。當是顓頊之譌。然亦無五世。

聖聖程程。司馬相如封禪文。改改程程。君子之能。改改卽程程也。古音。聖如門。與改相近。改卽曼字。濟河維沅州。沅州本以沅水得名。尙書作兗州。由隸變立水爲橫。水在上。又誤三爲六耳。

汶嶧既就正義括地志云岷山在岷州溢洛南一里洛當作樂唐書地理志岷州溢樂縣有岷山

益讓帝禹之子啓史公書於漢諱皆回避如恆山作常山微子啓作微子開益數作滿數是也亦有不

盡然者周本紀邦內甸服邦外侯服封禪書五岳皆在天子之邦犯高帝諱殷本紀益鉅橋之粟樂書

益而不持則傾晉世家萬益數也以從益數春申君列傳益滿海內犯惠帝諱大官書壬癸恆山以北

恆山之北氣下黑上青封禪書北岳恆山也至琅邪過恆山田齊世家以爲非恆人張儀傳獻恆山之

尾五城犯文帝諱夏本紀益讓帝禹之子啓禹子啓賢諸侯皆去益而朝啓啓遂即天子位是爲夏后

帝啓殷本紀帝乙長子曰微子啓啓母賤不得嗣孝文本紀夏啓以光燕世家禹薦益已而以啓人爲

吏及老而以啓爲不足任乎天下啓與交黨攻益奪之犯景帝諱此非史之駁文後人以意改易耳若

呂后諱雉而殷本紀封禪書不避雉字或史公本文如此蓋呂氏傾危社稷史臣未必爲避諱也宋史

紹興二年禮部太常寺言漢法邦之字曰國益之字曰滿止是謂曰國曰滿本字見於經傳者未嘗改

易司馬遷作史記曰先王之制邦內隸服邦外侯服又曰益而不持則傾於邦字益字亦不改易此說

然未注張敖地理記曰濟南平壽縣其地即古斟尋國濟南當作北海張敖未詳何代人

斟氏戈氏索隱本作斟戈氏即斟灌也戈灌聲相近上氏字衍

殷本紀

予其大理女。注尚書理字作賁。理賁聲相近。詩釐爾圭瓚。鄭康成引作賁。釐理義亦通也。

至于秦卷陶。索隱云。鄒誕生卷作餉。又作洞。則卷當爲垺。卷垺聲相近。秦與大古文通。

大最樂戲于沙邱。注徐廣曰。最一作聚。最當作聚。說文聚。積也。音與聚同。功臣表注。孔子文生最。說文

以最爲積聚字。此最字亦聚字之譌。

紂走入登鹿臺。注徐廣曰。鹿一作廩。廩鹿聲相近。

周本紀

子公叔祖類立。索隱云。系本云。太公組紺諸熬。熬當作熬。音戾。熬類聲相近也。熬綠色。紺青赤色。與綠相似。故又云組紺。

兩造具備。注徐廣曰。造一作遭。兩遭猶言兩曹。說文曹。獄之兩曹也。

孔子卒。案周秦二本紀。魯燕陳衛晉諸世家皆書孔子卒。而吳齊蔡宋楚世家則不書。夫孔子魯人也。其卒宜書於魯世家。孔子有東周之志。孔子卒。而周不復興矣。以其卒之繫於周。則書於周本紀亦宜也。若秦若衛若陳若晉與燕。於孔子何與。而亦書孔子之卒也。或曰。孔子之卒。史遷爲天下惜之。故不獨於魯書。若然。則十二國宜皆書。何爲而有書有不書也。且孔子之先。宋人也。齊楚與蔡。孔子嘗至其國焉。視秦晉燕之從未一至者。有閒矣。何爲乎宜書而反不書也。

周太史儋見秦獻公曰始周與秦國合而別別五百載復合合十七歲而霸王者出焉案此語周本紀載之秦本紀載之封禪書老子列傳又載之蓋重出者四矣秦本紀作七十七歲老子列傳作七十歲皆傳寫之譌索隱正義於周本紀封禪書皆有注可證

子赧王延立索隱云尙書中候以赧爲然鄭玄云然讀曰赧王邵案古音人扇反今音奴板反說文赧从赤良聲良柔皮也讀如輓故古讀赧爲人扇切

王赧時東西周分治赧非王名當云赧王

韓徵甲與粟於東周戰國策以爲西周

秦本紀

我不殺戎王則不敢入邑據此則周末東遷之日戎已僭王號如徐偃王楚句亶王鄂王越章王之類也其後有亳王義渠王獮王皆戎種

以女弟繆嬴爲豐王妻豐王未詳閩本作幽王幽豐字形相近然幽王妻申后非繆嬴

臣常游困於齊而乞食餽人注徐廣曰餽一作銍正義云銍地名在沛縣予謂沛非齊地

庶長改迎靈公之子獻公子河西而立之殺出子及其母沈之淵旁呂氏春秋當賞篇秦小主夫人用奄變羣賢不說自匿公子連亡在魏聞之欲人從鄭所之塞右主然守塞弗人曰臣有義不兩主公子

勉去矣。公子連去入翟，從焉氏塞。蒯改入之。夫人聞之大駭，令吏與卒中道因變曰：「非擊寇也，迎主君也。」公子連因與卒俱來，至雍，圍夫人。夫人自殺。公子連立，是爲獻公。不韋言秦事必可信。小主者，卽出子蒯改者。庶長改也。呂氏言獻公名連，而索隱云名師隰，未知所本。

與齊威楚宣魏惠燕悼韓哀趙成侯並。據六國表：秦孝公元年，當齊威十八年；楚宣九年，魏惠十年，燕文公元年，韓壯侯十年。世家作趙成侯十四年。此云燕悼韓哀，誤也。正義讀並爲白浪，反屬下淮泗之開爲句，亦非。

與晉戰鴈門。索隱云：紀年云，與魏戰岸門。此云鴈門，恐聲誤也。秦與韓魏戰，不當遠至鴈門。案：岸鴈聲相近，故岸門亦作鴈門，非謂代之鴈門也。

樽里疾攻魏焦，降之。樽里疾卽樽里子也。說文：樽作樽。庶長疾攻趙，虜趙將軍莊。樽里子傳，虜趙將軍莊豹。

攻韓南郡，取之。六國表作南陽。案：戰國之際，韓魏皆有南陽。魏之南陽，卽河內之修武。左氏傳：晉於是始啓南陽是也。韓之南陽，卽秦漢南陽郡也。但秦昭王三十五年已置南陽郡，而此又云攻韓取之，亦似可疑。若江陵之南郡，則楚地，非韓地也。

秦始皇本紀

嫪毐封爲長信侯。案隱云。案漢書嫪毐出邯鄲。王劭云。賈侍中說。秦始皇母子即嫪毐淫嫪毐淫。坐誅。故世人罵淫曰嫪毐也。案賈侍中說以下。出許叔重說文。其所引漢書。則班氏無此文。當是漢書注也。南越傳。嬰齊取邯鄲嫪毐氏女。案隱云。嫪音紀虬反。嫪姓出邯鄲。此嫪字。正義亦音紀虬反。蓋嫪嫪古文通用。今人讀嫪爲郎到切。非也。

九年。正義云。穆帝永和八年。石勒爲慕容俊所滅。俊與儁同。是歲。儁滅苻閼。非石勒也。

梁傳。至天正二年。侯景破梁。至廣陵。案侯景廢簡文帝。而立豫章王棟。改元天正。是年。景卽篡位。明年。景死。而傳國輿入於齊。則天正無二年也。此云天正二年。蓋據北齊紀載之文。削侯景之年。亦不用承聖號也。

搏心揖志。案隱云。搏古專字。左傳云。如琴瑟之專壹。搏當作搏。說文。搏。壹也。俗本搏作搏。尤誤。揖。古輯字。書輯五瑞。史記亦作揖。

北過天夏。正義云。杜預云。大夏。太原晉陽縣。案在今并州。予謂正義說非也。始皇立石。誇聲教之遠。豈近取晉陽之地乎。周書。王會解。正北空同。大夏。大宛傳。張騫從月氏至大夏。卽其地也。

別黑白而定一尊。李斯傳。別作辨。古書辨與別通。周禮。小宰聽稱。責以傳別。故書作傳辨。異取以爲高。李斯傳作異趣。

雖萬世世不軼毀正義云軼徒結反軼與迭同古書軼迭二字多通用左氏傳彼徒我車懼其侵軼我也釋文軼直結反讀如迭成十三年迭我微地亦侵軼之義封禪書軼與軼衰漢書作迭與迭衰飯土墻啜土形李斯傳墻作甌形作鋤古文鋤與甌同讀若九與墻音相近太史公自序形作刑墻亦作鋤徐廣注云一作甌說文無墻字則此文當爲甌也

子嬰爲秦王四十六日李斯傳子嬰立三月

項羽本紀

項梁使沛公及項羽別攻城陽城陽當作成陽縣名屬濟陰郡非齊之城陽國也誰爲大王爲此計者此時沛公未爲漢王蓋臣下尊之之稱項羽亦未自王故沛公呼爲將軍而范增項莊已稱爲君王樊噲張良亦稱爲大王史亦屢書項王皆據當時相尊之詞烏江亭長櫂船待橫當從鄒氏本作樣樣與漾同

高祖本紀

秦泗川監平注文穎曰泗川今沛郡也案曹參世家樊噲周昌傳俱作泗水漢書地理志沛郡秦泗水郡而本紀亦作泗川別攻城陽屠之城當作成卽下文所謂至成陽與杠里者也

至成陽與杠里。案隱云：成陽縣名，在濟陰。韋昭云：在潁川，非也。案：成陽漢書作陽城，故韋昭以潁川之陽城當之。當從史記作成陽爲是。

高祖已擊布軍會甄。注：案漢書音義：會音僧保，邑名。甄音直僞反。案隱云：漢書直作缶，音保，非也。案：漢志：沛郡斬縣有饗鄉。高祖破黥布，師古音饗爲直悲反，卽此會甄也。隸書垂似缶，故漢書高紀譌爲缶字。孟康讀會爲僧保之僧，非。讀甄爲保，小顏未達孟義，妄有訾謗。小司馬又承顏之謬而不察爾。

呂后本紀

得定陶戚姬。注：如淳曰：姬音怡，衆妾之總稱也。案隱云：如淳音非也。姬，周之姓，天子之宗女貴於它姓，故遂以姬爲婦人美號。予謂姬从臣聲，姬妾字讀如怡，乃是正音。六朝人稱妾母爲姨，字易而音不殊，與姬姓讀如基者有別。如淳去古未遠，當有所受。小顏小司馬輩輒非之，誤矣。

寧蚤自財，財與哉同，悔不早自引決也。漢書高五王傳：財作賊。小顏訓爲害，義亦通。

更名梁曰呂。呂曰濟川。案：呂后二年，割齊之濟南郡爲呂王奉邑，及呂產徙王梁地，改呂國曰濟川。以王孝惠之子，則濟川卽濟南也。諸呂旣誅，先徙濟川王於梁，乃告齊王，令罷兵，蓋仍以濟南還齊矣。

孝文本紀

古者殷周有國，治安皆千餘歲。案：殷周有天下，皆不及千歲。云千餘歲者，并稷禹受封之年計之。漢書

作月千歲

子某最長。案高帝紀書文帝名，景帝紀書武帝名，此稱某，例亦不一。

孝景本紀

二年封故相國蕭何孫係爲武陵侯。表作武陽，其名嘉，非係也。

三年立楚元王子平陸侯劉禮爲楚王。正義云：應劭云：平陸，西河縣。案東平國有東平陸縣，此劉禮所封邑也。水經注據陳留風俗傳以尉氏之陵樹鄉，故平陸縣指爲劉禮所封者，失之。若應劭章昭輩以爲西河之平陸，則謬甚矣。

五年五月丁卯，封長公主子蟭爲隆慮侯。案年表：中元五年五月丁丑，隆慮侯蟭元年。徐廣據本紀以證表之非，予考功臣表：隆慮侯周通，以中元元年有罪國除，則蟭之封隆慮必在中元年以後。紀書於前五年者，非矣。漢書年表：景帝中五年，隆慮侯融，以長公主子侯，二十九年坐母喪未除服，自殺。館陶公主卒於元鼎元年，距孝景中五年，正二十九歲，又足證史記之表是而紀非也。融與蟭字形相涉而譌。

六年封趙丞相嘉爲江陵侯。表作江陽。中元年封故御史大夫周苛孫平爲繩侯。據表：是年封周成孫應，乃苛之曾孫也。平則嗣應爲侯者，徐

廣平一作應近之。

中六年城陽其王薨。正義云。城陽今濮州雷澤縣。古成陽也。案。城陽國治莒。漢志謂文帝二年別爲國者是也。濮州之成陽。漢時屬濟陰郡。乃梁地。非齊地。且成城字異。正義說非是。

孝武本紀。張晏云。此紀褚先生補作。予謂少孫補史。皆取史公所闕。意雖淺近。詞無雷同。未有移甲以當乙者也。或魏晉以後。少孫補篇亦亡。鄉里妄人取此以足其數爾。秦始皇本紀末有漢明帝十七年十月云云。平津侯傳末有太皇太后詔。大司徒司空云云。司馬相如傳贊有揚雄以爲靡麗之賦。勸百風一云云。皆魏晉以後人竄入。

有司與太史公祠官寬舒等議。案。封禪書兩稱太史公與祠官寬舒連文。而不著名。爲其父諱也。是年郊雍。爲元鼎四年。其明年冬至。郊拜泰一。皆談爲太史公時事。談以元封元年卒。卒後。遷始繼之。漢志稱談名。得其實矣。以太史公爲太史令。則據後官制追改之。

與王不相中得。得字衍。

不虞不驚。古文虞與吳通。漢碑亦有不虞不揚之文。今封禪書作不吳。乃後人據毛詩私改。

黃帝得寶鼎宛侯。封禪書作宛胸。宛胸蓋地名。濟陰郡冤句縣是也。漢志作冕侯。冕卽冤之譌。侯句音相近。

廿二史考異卷二

史記二

三代世表

抱之山中。注抱音普茅反。抱讀爲拋。說文無拋字。徐氏新附有之。从尢从力。於義無取。蓋卽抱之爲。

十二諸侯年表

人事決。決與而同。

庚申共和元年。史公以漢武太初元年歲在焉逢攝提格。據此上推共和之元。不值庚申。且漢人言太歲百四十四年而超一辰。不皆依六十之序。故史公作表。有年歲而無干支。此表庚申甲子甲戌之類。蓋徐廣注。非史記本文。

周襄王十四年。叔帶復歸于周。本紀在十二年。

魯孝公稱元年。伯御立爲君。稱爲諸公子。十一年。周宣王誅伯御。立其弟稱。是爲孝公。案魯世家。伯御卽位十一年。周宣王伐魯。殺其君伯御。立稱。是爲孝公。二十七年。孝公卒。漢書律厯志。伯御卽位十一年。孝公卽位二十七年。與世家合。表乃以伯御之元年。卽爲孝公之元年。故孝公有三十八年。失其實。

矣。

魯莊公三十二年，莊公弟叔牙，鳩死子般，季友奔陳。子般上下皆當有脫文。

齊靈公二十七年，晉圍臨淄，晏嬰大破之。案齊世家，靈公走入臨菑，晏嬰止靈公，靈公弗從。此文當有

脫誤。

晉厲公壽曼，春秋竹弑其君州蒲，即厲公也。蒲乃滿之譌，曼滿聲相近。古書酬酢字，或作醻，是壽與州

通。

衛文公二十三年，重耳從齊過無禮。世家在十六年。

衛殤公狄，世家作狄，狄狄皆森之譌。漢書古今人表作森，春秋作剽，剽森音相近。

衛君起元年，石傳遂起出，索隱云傳音圃，或作尊，音敷。左傳作石圃，圃傳相近。傳蓋傳之譌。傳亦音爲現

六國表，十二諸侯年表始於共和，共和以前，則三代世表紀之，終於周敬王四十四年。孔子後二年，故序云自共和

說孔其時惟陳曹先亡耳。史公以六國表繼之，晉衛附於魏，鄭附於韓，魯蔡附於楚，宋附於齊，各述其

後事，以續前表，文簡而法密矣。三家分晉，魏得晉之故都，故魏人自稱晉國。孟子書梁惠王而韓趙則周書皆云晉國

否。史公以晉附魏，蓋以此。

湯起於亳，注徐廣曰京兆杜縣有亳亭。案殷本紀，湯始居亳，皇甫謐曰梁國穀熟爲南亳，湯所都也。書